

Digitized by the Internet Archive  
in 2018 with funding from  
Getty Research Institute

<https://archive.org/details/petriburmannicar00burm>



PETRI BURMANNI  
 CARMEN ELEGIACUM,  
 AUCTORIBUS  
 ILLUSTRISSIMIS ET AMPLISSIMIS  
 ACADEMIAE BATAVAE,  
 QUAE EST LEIDAE,  
 CURATORIBUS, ET URBIS CONSULIBUS,  
 IN CELEBERIMA  
 PANEGYRI, QUAE  
 AD DECORANDUM ACADEMIAE  
 CENTESIMUM ET QUINQUAGESIMUM  
 NATALEM die viii. FEBR. cici<sup>o</sup>cccxxv.  
 CONVENERAT,  
 DICTUM.



Jussu Illustrissimorum & Amplissimorum ACADEMIAE BATAVAE  
 CURATORUM, eorumque Collegarum, CONSULUM URBIS LEIDAE,  
*In Typographia Academica*  
 PETRI VANDER A A,  
 Bibliopolae, & ipsorum Typographi ordinarii. MDCCXXV.

THE UNIVERSITY OF CHICAGO

LIBRARY

OF THE

UNIVERSITY OF CHICAGO

CHICAGO, ILL.

1900

THE UNIVERSITY OF CHICAGO



THE UNIVERSITY OF CHICAGO

CHICAGO, ILL.

1900



*Illustrissimorum & Praepotentium Orainum Hollandiae & West-  
frisiae, ad honestandum favore & praesentia sua Diem hunc  
sollemnem, Legatis,*

*Viris illustribus & bono reipub. natis,*

**CAROLO PHILIPPO, BARONI VAN DORP,**  
*Toparchae in Maasdam, Equestri & Nobilium Hollandiae ordini  
adlecto, & illius nomine ad confessum Ordinum Foederati Belgii  
legato. &c. &c. &c.*

**HUGONI REPELAER J. U. D.**  
*Senatori & Consuli Dordrechtano.*

**NICOLA O SAUTYN J. U. D.**  
*Senatori, & modo consulatu apud Amstelodamenses perfuncto.*

**JOHANNI SCHAGEN.**  
*Senatori & Consuli Alcmariensi,*

*Ut &*

*Illustribus & Amplissimis*

*Academiae Batavae Curatoribus*

**ALBRECHT O NICOLA O,**  
*Baroni de Schagen, Toparchae in Gaudriaan, Equestri & No-  
bilium ordini Adscripto, Magistrorum Rationum Comitatus Hollan-  
diae Principi, Judicii Venatici adsessori, Curatori aggerum, via-  
rum & aquarum Rhenolandiae, Societatis Indicae orientalis Re-  
tori. &c.*

HERMANNO VANDEN HONERT, J. U. D.  
*Senatori & Consuli Dordrechtano, Aggerum Abblafferwerden-  
sum Praefecto. &c. &c.*

CORNELIO VAN VALKENBURG, J. U. D.  
*Senatori & Consulari, & cum maxime Harlemensis urbis Prae-  
tori, Curatori aggerum, viarum & aquarum Rhenolandiae &c.*

*Nec non Eorum Collegis,*

*Amplissimis & Nobilissimis*

*Urbis Leidae Consulibus,*

JOHANNI VAN DEN BERG J. U. D.  
*Consulum primo.*

YSBRANDO DE BYE J. U. D.

HENRICO VAN WILLIGEN J. U. D.

ABRAHAMO HOGENHOUCK J. U. D.

*Et*

*Viro Amplissimo*

P E T R O G Y S J. U. D.  
*Senatori & modo Judici Leidensi, Curatoribus & Consulibus ab  
actis.*

D. D. D.

PETRUS BURMANNUS.



Q. B. F. F. Q. S.

**D**Icamus bona verba : dies sollemnia poscit  
Gaudia, votivis testificanda modis.  
Musa, senescenti torporem expelle Poëtae,  
Et novus inflammet pectora pigra calor.  
Pegaseoque rigans arentia labra liquore,  
Praecepte defuetum, Calliopea, melos.  
Ingenii Cyrrhaee dator famaeque, moventi  
Da veniam oblitaë plectra, benigne, lyrae.  
Non ego sponte mea, facilive fluentia vena,  
Pene sed invitus, carmina jussa canam.  
Te quoque, Bacche pater, vatum tutela, vocarem;  
Musa sed hoc faciet sobria sacra die.  
Rectores patriae, species augusta supremi  
Ordinis, e pavidis corde fugate metum.  
Ingenuas artes Batavumque tuentia Pindum  
Numina, propositum dextra juvate meum.  
Addita Palladio custos, Antistita Phoebi,  
Leida, Medusaeo tuta sub orbe, fave.  
Leida fave: tuus ille dies, qui primus honoro  
Vidit Apollineum ture calere focum.  
Sacra fero, quae nunc gratantis parva coronae  
Pars tibi, vel nemo forte, iterata feret.  
Hac Pandioniâ quondam tellure fugata  
Attigit Hollandas luce Minerva domos.  
Phoebus Hyantaei pulsus de vertice montis  
Exhaustos subiit Marte fameque lares.  
Jamque bis obsessam, vacuumque colentibus urbem  
Dignatae Aonides exhilarare Deae.

A

Quae

Quae facies tunc, Leida, tibi? quae forma reductae  
Urbis ad extinctae munera lucis erat?  
Cum tibi Nassavii, per perdita rura natantis,  
Ostentaret opem provida dextra Ducis.  
Cultaque diluvies corrumpere utilis arva,  
Damnaque camporum commoda tanta darent.  
Cum tua de muris subitam trepidantis Iberi  
Esurie adspicerent ora peresa fugam.  
Quaeque superfuerant male viva cadavera tibi,  
Damnofo explerent ventris inane cibo.  
Magna equidem, nec longa tamen, solatia Princeps  
Tunc dabat, aut tantis aequiparanda malis.  
Moeſta per incultos & vaſta ſilentia vicos,  
Triftis erat raro ſemita trita pede.  
Limina ſqualebant, deſolatique penates,  
Frigeſcit medio clauſa taberna foro.  
Non ſtrepitus tectis, non ulla frequentia templis:  
Curia, ſublata parte, relicta; patrum.  
Horret ad adſpectum viduatae civibus urbis,  
Et lacrimis Princeps irrigat ora piis.  
Jamque ſubit nova cura ducem, replere vacantis  
Vaſtitiem certa qua queat arte loci.  
Illa potens belli, toties quae fulmen Iberis  
Torſit, & adverſas dextera fregit opes,  
Vertitur ad placidas manſuetae Palladis artes,  
Et titulos palmae nobilioris avet.  
Turpe erat ingeniis obſtruſtum Helicon Batavis,  
Clauſaque damnatis eſſe Lycea viris:  
Discendi cupidis inimica palaeſtra negabat  
Montis ad Aonii pandere culmen iter.  
Si quis ad externos tulerat veſtigia ludos,  
Portabat patriae tetra venena redux.



Pulpita monstrosis resonabant hostica nugis,  
Et schola deformi sorde jacebat iners.  
Nam faciles tenerae mentes corrumpere pubis  
Doctōris studium prava monentis erat.  
Impia de superis tradebat scita magister  
Grudius, & fictis Flandria plena deis.  
Non patrias leges, sævo temerante tyranno,  
Non poterat tyro discere jura fori.  
Non juvenum poterant in libertatis avitae  
Fingere tutelam pectora cara patres.  
Mattiācum Batavo foedus vix junxerat artum,  
Vincula Nassavia bina ligante manu.  
Walchria Castalio profugas quin fonte Sorores  
Ambiret patrio figere vasa solo.  
Insula, nascentis quia libertatis origo  
Exuerat dominum, Walchria, prima jugum,  
Hoc sibi captabat decus immortale. Merenti  
Haec refer, o clamat, praemia justa, Pater.  
Magne Pater patriae, nos primi ex arce Tyrannum  
Egimus audaci per freta nostra manu.  
Nomen Arausiāci jurare in Principis ausi,  
Duraque servitii rumpere vincla, sumus.  
Haeret; & ambiguo vix Princeps sustinet ore  
Debita sic meritis dona negare viris.  
Fama volat, Batavumque quatit rumoribus orbem,  
Numina Zelando docta locanda solo.  
Leida pavet, longamque sibi per secula laudem  
Ne rapiat studiis aemula terra, tremit.  
Mittit ad obsessas qui causam Principis aures  
Flexanimis moestae vocibus urbis agant:  
Quae, Pater, invidia est, Batavis Tibi semper amatis  
Hoc dare munifica mente perenne decus?

Quid tibi cum placidis, Gens o Neptunia, Musis?  
Quid tibi cum miti, Nautica turba, choro?  
Fluctibus arcanæ turbare quid atria saevis  
Palladis, & rauco murmure templa paras?  
Naufraga vesani non haec Dea litora ponti,  
Otia sed tuti dulcia ruris amat.  
Pimplaeos latices, non falsas aequoris undas  
Indomita Hippotadae quas agit ira, sitit.  
Finde procellosi, nihil obsto, marmora Nerei,  
Et vaga discurrat per freta mille ratis.  
Praedantes cumulet dulci Nehalennia lucro,  
Horreaque aligero rumpe favente Deo.  
At mihi Piëridum mysteria casta relinque,  
Apta magis tacitis sunt mea rura sacris.  
Commendat me laeta quies, blandique recessus,  
Quique nitens verno ridet honore locus.  
Denique quis vestra coluit de gente Camenas?  
Eloquio, dic, quis, carmine quisve potens?  
Quo mysta praeceunte modos, Zelande, dicabis,  
Quo, Charitum, postem vate tenente, domum?  
At mihi, *Doussa*, sacros jam vaticinatus honores,  
Pallada privata religione colit.  
Phocidos instar habent *Fani* penetralia, sedes  
Illa diu bifidi montis imago fuit:  
In mea Mopsopias pridem devexit Athenas  
Moenia, Doufiaco carmine tracta, Dea.  
Me penes auspiciis surgant communibus arae,  
Publicus hîc populo fumet utrique focus.  
Scilicet Aemonias lauros, & Theßala Tempe  
Deferet, & Phoebus litora sola colet.  
Stultus arenosis mutans Parnasia dumis  
Culmina, in aequoreis fana locabit agris!

Ma-



Malit Oronteam viridante resurgere Daphnen  
Rure, quod obliquo flumine Rhenus alit.  
Verba Ducis mentem, jam nunc Leidenfibus aequam,  
Et patriae virtus clade probata, movent.  
Causa perorata est, inquit: discedite laeti,  
Et mea victores dicta referte domum.  
*Doufa* meus jaciat Clarii fundamina templi,  
Consecret ingenuis artibus ille locum.  
Ille novem excipiat, Phoebo ducente, Sorores,  
Cecropiamque nova Pallada sede locet.  
Obvia laurigerae ruit urbs excita choreae  
Sedibus, & *Doufae* voce manuque favet.  
Laeta sonant, luctus veterumque oblita malorum,  
Compita, & alterno murmure turba fremit.  
Surgite frondentes hederæ, confurgite lauri,  
Nascere Arausiaca consita oliva manu.  
Mollia Doufiaco plantaria crescite cultu,  
Crescite, & in pingui luxuriate solo.  
Vivida Christicolæ seminaria, crescite, coetûs,  
Crescite, legifero nata juvenia foro.  
Crescite, quæ succis & freta potentibus herbis  
Poeoniam miseris, turba, feretis opem.  
Tu tamen, o Phoebæ Musisque dicata severis,  
Laeta super reliquos tolle, caterva, caput.  
Artibus eloquium mutis dotemque ministra  
Pauperibus, cornu divite Suada potens.  
*Doufa*, chori deus ille tui, delubra canendo  
Dedicat, & Musas in nova tecta vocat.  
Ibit in exemplum, manibus formanda paternis,  
Pieriae proles mox numerosa domus.  
Eripe te populo, divina Poëtica, vili,  
Astræque sublimi vertice summa feri.

Nubila telluris super, & super alta vapores,  
Disce per aërias pura volare plagas.  
Te penes imperium longos stetit omne per annos,  
Praecipuum reliqua dante cohorte locum.  
At nunc regna tenent subsellia prima togati  
Ordinis, & vates ambitiosa premunt.  
Sed tamen instabiles, iterumque iterumque novandas  
Gloria doctrinas non diuturna manet.  
Vidi ego, qui numero librorum & mole tumebat,  
Exsequias vivum foetibus isse patrem.  
Vide ego clamoso stipatos agmine, quorum  
Mox cum discipulis fama sepulta fuit.  
Obruit audacem ventosior alter Agyrtam,  
Et novus antiquum pellit ab arte Sophum.  
Finibus angustis, spatioque coërcitus arto,  
Egreditur patria vix regione tumor.  
Sola, per immensum spatiata Poëtica mundum,  
Grande dat ingeniis, & sine fine, decus.  
Nec timet Eloquii vis temporis ulla ruinam,  
Historiaeque carens morte manebit honor.  
Sis odiosa licet, fatuoque molesta magistro,  
Vatis & arguti lingua diserta viri:  
Funere livor edax, nigroque calumnia dente  
Cessat, & exoritur splendor ab igne rogi.  
*Lipsius* ille, novi lux & dos prima Lycei,  
Vivet, & implebit Solis utramque domum.  
*Baudius*, ille pater Venerum, quaeretur, Iambus  
Dum placet, & lepidis litera plena jocis.  
Carmina *Scaligeri*, numquam peritura, legentur,  
Dum celeres Athesis volvet in aequor aquas.  
Monstrorum domitor, veteris certissime secli  
Conditor, haud nisi cum tempore, *Iuste*, cades.

Te



Te canet Hesperiiis, te commendabit Eois  
Calliope doctis vatibus ora movens.  
*Heinsius* ille, tui felix successor honoris,  
Digna dedit cineri carmine iusta tuo.  
Prodigium secli, quo non velocius umquam  
Ingenium aut venam Teutonis ora tulit,  
Nil tamen eximii, quo se jactaret, habebat,  
*Scaligero* numeros quam placuisse suos.  
At non ille, ducis turbatus funere, solus  
Victuris cecinit publica damna modis.  
*Grotius*, obtupuit genetrix quo Belgica nato,  
Belgica, mox raro dira noverca viro;  
Ingenii monumenta, scholae Leidenfis alumnus,  
Qui vagus externa prodidit exsul humo;  
Heinsiacae socians feralia carmina chordae,  
*Scaligeri* jurat morte labasse polos.  
Quassaque Leidenfis graviter fastigia templi  
Interitum studiis praemonuisse bonis.  
Horrida *Cunaeus* Themidos spineta viretis  
Palladis alternans, gratus utrique Deae,  
Nunc quoque in Elysiis Scalanam vallibus umbram  
Perdita Veronae sceptrum tenere canit.  
Addite *Scaligero*, iudex sanctissime, Regi,  
Jura dabis nigro post tua fata gregi.  
Terror, & insulsis flagrum, *Cunae*, Vacerris.  
Barbariae ducibus tu Rhadamantus eris.  
Adgemit his culti moerens *Scriverius* oris,  
Proteaque ingenii fata subisse dolet:  
Simideique brevem condens *Rutgerfius* urnam,  
Ad superas manes vidit abisse domos.  
Inter avos ingentem animam *Vulcania* coelo  
Inferit, Argivo carmine Musa potens:

*Læti*us hinc alium, sterili remanente favilla,  
Phoenicem Batavis crescere posse negat.  
Denique ad Herois tumulum manus enthea Vatum;  
Quos numero plures Leida fovebat, adest.  
Implicitique comas taxo, dextraeque cupresso,  
Ter tacito lustrant ore graduque rogam;  
Et simul extinctas plorant cum Principe Musas,  
*Grotiade* querulo murmure dante modum.  
Qui recidiva tamen Leidam sperare renasci,  
*Heinsii*de Phoebi sacra novante, jubet.  
Felices animae, quas vis arcana recentis  
Palladii, & magni contigit aura Senis.  
O mihi, si tenuis fluxisset rivus ab illo  
Flumine, quod vivis ora rigavit aquis!  
O utinam nec in haec aetas dilata fuisset  
Secula, verveces quae dare jura vident.  
Leida, Poëtarum nutrix, linguaeque potentum  
Mater, & Historicae dives alumna facis.  
Tunc super Europae celebratas artibus urbes  
Fama frequentatae lausque erat una scholae.  
Nulla sed humanis ut inest constantia rebus,  
Sensisti dubiae fortis & ipsa vices.  
Cum patriâ Batavas, quid enim similemus, Athenas,  
Pressit, & innocuos nigra procella viros.  
*Vossius*, aeternis nomen memorabile fastis,  
Invidiae afflatus fulmine damna gemit.  
Versibus & Sophiae studiis *Barlaeus* honestae  
Inclytus, haud potuit jure tenere locum:  
Amstela, Leidenfi quos indignante Minerva,  
Jussit Athenaeum condecorare novum.  
Dextera, quae numquam cessaverat, impigra *Meursi*  
Promere congestas heu! prohibetur opes.

Et



Et licet heroo pactas tibi, Leida, Camenas  
 Carmine conciliet, non placuisse dolet;  
 Crimine cum vacuus numerosa volumina crimen  
 Sede sua motus sensit habere novum.  
 Tristitia sed valeant, purum maculantia solem,  
 Nemo bonus patriae quae reditura vovet.  
 At mea praecipuo quo te canet ore Thalia,  
 Quem spoliū de te, France, Batavus habet?  
 Unica, *Salmasi*, species & imago capaxis  
 Pectoris, & mundi Bibliotheca movens:  
 Qui doctos vaguisse modos jam traderis infans,  
 Et puer emeritos exsuperasse senes.  
 Quem nihil antiqui, patet, ignorasse novique,  
 Romula, seu siquid pagina Graeca dedit.  
 Quem Syrus, & Nabathaeus Arabs, quem Nilus & In-  
 Quemque suo Phoenix audiit ore loqui. (dus,  
 Nec tua per Scythicas quaerens cunabula sentes  
 Celtica, *Boxhorni*, cura perire potest.  
 Inachios prudens Romanis jungere fastos,  
 Et veterum annales continuare novis.  
 Eloquio populos simul imperioque tenere  
 Nobilitas didicit, te praeunte, patrum.  
 Omnibus at Critica palmam *Gronovius* arte  
 Abstulit, ingenio perspiciente sagax.  
 Censor, & Aufonii iudex sermonis honestus,  
 Cui dederunt paucos secula priora pares.  
 Hunc nec Aristarchis, vitio quos, France, creatos,  
 Itale seu iactas, praeposuisse pudor.  
 Nec voluit, follers chartas versare Pelasgas,  
*Filius* acceptum degenerare decus.  
*Ryckia* Corneli tenebrosa volumina clarans  
 Cura, dedit mentis pignora certa bonae.


Ultima Leidenfis, *Perizoni*, gloria Pindi  
Tempore, sed primis adnumerande viris,  
Vertice qui Batavi portasti pondus Olympi;  
Infregit validum nec tibi pectus onus.  
Eruta te tenebris celsae Babylonis origo,  
Et data lux Phariis nobilitavit agris.  
Nec patriae curam tua dextra negabat: at illa  
O pudor! externas legit iniqua manus.  
Vendere simplicibus fumos, & vendere pennas,  
Obsequium blandis fingere sueta sonis,  
Natio adulatrix, levis & comoeda, Batavo  
Debita candori praemia saepe rapit.  
Historicumque timens veracem, turpis avorum  
Ut lateant optat facta nefanda nepos.  
Haec sunt, Leida, tuo fulgentia sidera coelo,  
Nunc quoque Palladiae lucida signa rati:  
Nomina purpureo, gratam decet, infere peplo,  
Ut decorent fastos longa per aeva tuos.  
His tua triginta viguit jam gloria lustris,  
His ducibus laus est continuata scholae.  
O utinam jam non me successore labaret,  
Staret & o nostra res tua firma manu!  
O utinam Phoebi renovata calesceret ara!  
Desertusque novo viveret igne focus!  
O utinam secli redeat florentis imago,  
Patriaue *Heinsiadas Grotiadasque* daret?  
Confectis utinam macie senioque Camenis  
Sit juvenile meæ reddere robur opis!  
Non studium, aut vigiles deerunt tibi, Leida, labores;  
(Quo tamen, ingenio destituyente, labor?)  
Cura quidem stimulat cupidum mihi pectus honoris,  
Spiritus at supera desit ab arce datus.



Festa dies, recolis quae gaudens prisca Lycei  
Lumina, fervorem mentibus adde novum.  
Grandia doctores acuant exempla togatos,  
Nomen ut a grata posteritate ferant.  
Aemula spem capiat juvenum generosa caterva,  
Se patriae quondam maxima fulcra fore.  
O ita summe, velis, Batavae Deus unice tutor  
Gentis, & Aoniae Praeses amice domus.  
Sic iterum, sic saepe bonis optanda recurras,  
Et melior semper candidiorque dies.



EXIMIO  
PETRO BURMANNO  
CARMEN SECULARE  
ACADEMIAE CANENTI.

 *Ulchrior coelo, nebula fugata,  
Phoebus exsurgit, fidibus canoris  
Suscitans Musas, vocat, ut revisant  
Atria Leydae.*

*Ad diem festum rapit ignis idem,  
Ducit & secum Sacer ordo suaves  
Gratias, Suadam, Veneresque Grajas,  
Atque Latinas.*

*Artium Mater, sapiens Minerva  
Attulit summum pretium laborum,  
Gloriam; virtus, honor, atque fama,  
Hanc comitantur.*

*Omnis assurgens Chorus Ille Petro,  
Hunc rogat, cantet solitis Parentum  
Laudibus veros Batavi Lycei  
Laetus honores.*

*In-*



*Inchoat Vates , tumidoque Phoeburn  
Pectore excussit , ruit acer , actus  
Numine interno , memorans Batavi  
Sidera cæli.*

*Igneus Musæ vigor haud moratur  
Semidoctorum numeros Virorum :  
Alta sed , nugæque fugare sueta ,  
Scandit Olympum.*

*Candidas felix animas Poëta  
Devocat coelo , Batavisque reddit ,  
Magnus a Douza venit ordo , claudis  
Hunc Perizoni.*

*Carpit , O solers ! propriasque cuique  
Quas dabit laudes ? meritamque factis  
Gloriam Justus tribuit ; nec ultra :  
Vilia spernit.*

*Acer hic sensus dominatur ; ornat  
Mente conceptum lepor , & venustas ;  
Quam fluunt dulces numeri , modique  
Auribus apti !*

*Euge! sic fulgens Academiae laus  
Nititur sola celebri Docentum  
Ingeni fama: dabit haec opima*

*Caetera dona.*

*Leyda, si felix, Tua dona noris!  
Fida dum Musis statio vocaris,  
Grata sis! namque hinc Tibi vera virtus,  
Ars, honor, aurum.*

*En! habes Vatem Veteres canentem  
Carmine Heroas, simul ille monstrat,  
Omnium laudes sibi largiendas,  
Judice Phoeb.*

*Elicit Pindo, vocat Ille ab Haemo,  
Ducit & Musas Patriae per oras,  
Ad Tuum Rhenum modulis sonoris,  
Ducit ab Hebro.*

*Talia Eurotas didicit beatus  
Ad pias ripas meditata Phoeb,  
Inter argutas crepitante fronde,  
Carmina, Lauros.*

*Ta-*



*Talia audivit, stupuitque Caesar,  
Dum canit Romae peritura nullis  
Seculis, Grajas superans Camenas,  
Musa Maronis.*

*Vivito Felix! Juvenumque mentes  
Nectaris succo liquido imbuas! sic  
Grata Te praesens celebrabit aetas,  
Posteritasque!*

H. BOERHAAVE.



Talis audire, sapienter Cogit,  
Dum enim Romae periret munda  
Sicula, Graecus periret mundus,  
Classe Minerva.

Existe scilicet, Romanus in munda  
Sicula, Graecus in munda  
Munda, Graecus in munda  
Munda, Graecus in munda

IN OMNIBUS







